

ON PEDRO NOBIA SALZEDO-KOARI.



Biziko zera Euskera bizi
Dedin artean:
Inork etzaitu aztuko inoiz
Euskal-lurrean:
Zure oroitza gordeko degu
¡Bai! biotzean;
Mundu guztiak ikasi dezan
Zure izatean,
Nola bizitzen, nola iltzen dan
Euskaidun- seme leyala dana,
Jayotzetikan ill arteraño
Maiteaz beti erri laztana
Jaunak emanik zuri ugari
Bere doaiyak,
Zugan arkitu zuenaita bat
Euskal-erriyak,
Bere maitale finetakoa
Euskera eztiyak,
Eta guraso samur biguna
Gaiso guztiyak.

KARMELO ECHEGARAY-KOAK.

